

PLAN DE APOIO ÁS ENTIDADES MUSICAIS LOCAIS 2020

O Instituto Municipal Coruña Espectáculos (IMCE) ten entre o seu obxecto, entre outros, contribuír á defensa e divulgación dos valores socio-culturais da cidade, potenciar o desenvolvemento das actividades culturais no seu conxunto e levar a cabo e xestionar os programas do Concello da Coruña que teñan relación coas actividades culturais públicas de interese para a cidade relacionadas co mundo do espectáculo e as festas.

A cultura tradicional, así como outras expresións musicais asentadas na nosa cidade e habitualmente excluídas dos itinerarios de exhibición do contorno musical, son necesarias para manter a tradición musical e forman parte da cultura popular arraigada na cidade.

A cidade da Coruña conta cun nutrido número de entidades musicais locais que axudan activamente á dinamización da programación cultural.

Co obxecto de facilitar a organización e planificación cultural do IMCE, este organismo publica a presente convocatoria de apoio á nosa cultura máis tradicional e enraizada.

A) OBXECTO E FINALIDADE DA CONVOCATORIA

1. É obxecto do presente texto a convocatoria pública a entidades musicais locais, constituídas legalmente e radicadas na cidade da Coruña, para a súa promoción a través da súa actividade artística e escénica.
2. Entendemos como entidades musicais locais as asociacións musicais e/ou culturais sen ánimo de lucro que desenvolven a súa actividade cultural na nosa cidade con estabilidade e que teñen nela un grao de implementación social representativo e cunha finalidade clara e exclusivamente artística, musical e de baile.
3. Non serán aceptadas entidades que realicen actividades que non se orienten á cidadanía en xeral. Ademais terán que ser realizadas en locais ou espazos públicos accesibles e terán que ser obrigatoriamente difundidas (en calquera soporte dirixido á poboación en xeral) nalgunha das dúas linguas oficiais, preferentemente en galego. Do mesmo xeito, deberán garantir un uso non sexista da linguaxe e da imaxe.
4. As entidades deberán devolver á cidadanía o froito do seu traballo artístico (en forma de actuacións musicais) sendo consensuado este co IMCE. As actuacións seleccionadas integraranse na programación do IMCE nas datas e lugares que se indicarán por este organismo con suficiente antelación.

B) ENTIDADES PARTICIPANTES

1. Serán incluídas nesta convocatoria entidades culturais musicais, que teñan o seu domicilio na cidade da Coruña, e que se encontren legalmente constituídas e rexistradas no REMAC (Rexistro Municipal de Asociacións da Coruña), na data de finalización do prazo de presentación.
2. O ámbito de actuación das entidades participantes presentadas será o termo municipal da Coruña.

C) DOCUMENTACIÓN PARA ACHEGAR A ASOCIACIÓN

A asociación deberá presentar a proposta no rexistro oficial do IMCE (Avda. da Mariña, 18), xunto coa seguinte documentación:

1. Solicitud de participación no Plan de Apoio a Entidades Musicais Locais segundo modelo.
2. NIF da entidade.
3. Proxecto (descrición do espectáculo a realizar no 2020).
4. Número de rexistro no REMAC

D) PRAZO E LUGAR DE PRESENTACIÓN DA SOLICITUDE

1. O prazo de presentación das solicitudes serán do día 31 de outubro ao 30 de novembro de 2019.
2. O lugar de presentación das solicitudes será no Rexistro do IMCE (Avda. da Mariña, 18. CP 15003, A Coruña).
3. Na solicitude se fará constar o caché e o número de actuacións que se propoñen.

E) VALORACIÓN DO PROXECTO DE ACTUACIÓN

No proxecto presentado teranse en conta a orixinalidade e a calidade, o número de compoñentes, o vestiario, a instrumentación, a posta en escena e a traxectoria da entidade a longo do tempo.

Formarase unha comisión composta por: o Vicepresidente do IMCE, un técnico do IMCE e un representante do mundo artístico e musical.

Os proxectos presentados puntúanse de 0 a 10 e terán que ter un mínimo de 5 puntos para optar ao Plan de Apoio a Entidades Musicais Locais.

E) PRAZO DE RESOLUCIÓN

O prazo de resolución das solicitudes será, como máximo, o 31 de decembro de 2019.

F) RECURSOS ECONÓMICOS

1. Os proxectos incluídos na presente convocatoria serán imputados ao crédito orzamentario da partida 338/227.99 do orzamento do exercicio 2020 do IMCE. A dotación máxima para o programa será de 150.000 €.

2. A contía máxima para achegar por cada entidade será de 10.000 euros, impostos incluídos. As actuacións se aboarán tras a súa realización e presentación das correspondentes facturas.

G) OBRIGAS DA ENTIDADE

1. Acreditar ante o IMCE a realización da actividade, así como o cumprimento dos requisitos e condicións que determinen a súa inclusión no Plan de Apoio a Entidades Musicais Locais.

2. Realizar toda a publicidade das actividades nas dúas linguas oficiais, preferentemente en galego.

3. Facer mención expresa da colaboración do IMCE e do Concello da A Coruña en todos os soportes de comunicación empregados.

O Vicepresidente

Jesús Javier Celemín Santos